

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

## **Atlas minor Gerardi Mercatoris**

**Mercator, Gerhard**

**Amsterodami, 1610**

Graecia

[urn:nbn:de:bsz:31-118360](https://nbn-resolving.org/urn:nbn:de:bsz:31-118360)

Regio.  
Nomina.  
Suis.

Cæli temperies.  
Soli fertilitas.  
Imperium majo-  
rum.

Urbes.

Flumina.

**G**ræcia sequitur Europæ nobilissima regio, totiusque eruditionis fons & Mater. Incolis *Hellas* dicebatur. Qui vero hodie eam habitant eam *Romechi*, Turci *Horomeli* nominant. *Rumelia* est Leunclavio: Septuaginta Interpretibus *Phobel*, & *Javan*. *Græciam* autem non semper omnes iisdem terminis circumscribunt. Proprie ab Isthmo Thessaliam usque extenditur, & ab Epiro Amne Acheloo dispescitur: Ortum versus habet Mare *Ægæum*: atque hæc proprie est *Hellas*. Hoc est quod Plinius aliquoties inuit; *Ab Isthmi*, inquit, *angustis Hellas incipit*. Et rursum: *Angusta cervice Peloponnesum contingit Hellas*. Interdum etiam Peloponnesus & Thessalia Græciæ notione comprehenduntur. Ita L. *Æmilius Paulus* quum circuiret Græciam, per Thessaliam Delphos petiit, inde Lebadiam, tum Chalcidem, postea Aulidem, inde Athenas; altero die Corinthum, tum Sicyonem, Argos, Epidaurum, Lacedæmonem, Megalopolim, Olympiam: Ita peragrata Græcia rediit Amphipolim. *Homerus* solos *Phiotas* vocat *Hellenas*. *Herodotus* inter *Hellenas* & *Pelagos* discrimen facit. Hodie vero Græciam vocamus tractum omnem qui ad Occidentem Ionio mari adluitur, ad Meridiem *Libyco*, ad Ortum *Ægæo*: ad Septentrionem vero montibus a Thracia, Mysia, Dalmatiaque separatur. Regio hæc præstabat olim reliquis Europæ Cæli temperie, ac benignitate: Frugum omnium fertilitate, Armentorumque omnis generis copia. Hæc illa est regio, quæ fama, quæ gloria, quæ doctrina, quæ plurimis artibus, quæ etiam imperio & bellica laude diu floruit. Libera primum, sed dum imperium in socios affectat, serua. Itaque eam primum *Cyrus*, postea *Xerxes* aliique *Persarum Reges* vexaverunt. Subjecere eam sibi inde *Macedones*: tum *Perseo* devicto *Romani*: quorum imperio diviso celsit tota *Constantinopolitana*, donec *Gothi Bulgari*, *Saraceni* eam deprædatis sunt, & *Turca* postremum in miseram servitutem omnem redegit, exceptis quibusdam Insulis quæ *Veneto* parent, *Corcyta* scilicet, *Cephalenia*, *Zacyntho*, *Creta*, aliisque minoribus, Superbivit olim Græcia multis urbibus florentissimis: *Athenis*, *Lacedemone*, *Delphis*, *Argis*, *Mycenis*, *Corintho* aliisque plurimis, quarum pleræque, ut caduca & fluxa est mortalium rerum conditio atque interitui obnoxia, prostrata & diruta jacent. Flumina hic & fama & natura ingentia xxxii numero: Ea sunt *Strymon*, *Chabrius*, *Echedorius*, *Axius*, *Erigon*, *Lydius*, *Aliacmon*, *Pharybus*, *Penus*, *Sperchius*, *Paryassus*, *Apsus*, *Lous*, *Celidmus*, *Thyamus*, *Acheron*, *Arachthius*, *Achelous*, *Evenus*, *Ilissus*, *Asopus*, *Ismenus*, *Cephisus*, *Boagrius*, *Asopus* alter, *Sus*, *Penus*, *Alpheius*, *Selas*, *Parysus*, *Eurotas*, *Inachus*. *Maria*, *Ionium*: nomen habet ab *Ionia*, quam regiunculam in ultimis Italiæ oris facit *Solinus*: vel ab *Ionio* Illyriorum Rege: vel ab *Ionibus*, ut censet *Archidamus*, in trajectu maris ibi submersis. *Cronium* & *Rhea Sinus* antea dicebatur, ut antiqui Scriptores testantur: *Creticum*, ab *Creta*: Hodie *Mar di Candia*. *Carpathium*: ab *Insula Carpatho*, quæ ad Orientale *Cretæ* Promontorium. *Ægæum* dictum, ut *Festus* & alii scribunt ab *Ægæo*, *Thesei* patre, qui in id se præcipitasse perhibetur: ut *Phercydes*,



Montes.

Schola.

Ingenia &amp; bonarum artium studiis celebres viri.

recydes, ab Neptuno, qui & *Ægeus*. Aliorum opiniones prætereo. Nominatur etiam *Ægeon* Valerio Flacco & *Ægeon*, *Mare Græcum* Thucydidi, Europæis hodie *Archipelago* voce Græca: Turcis *Mare album*. Romani totum hoc Mare duobus nominibus olim appellabant, teste Plinio, *Macedonicum* quiddam ejus Macedoniam & Thraciam attingebat: *Græciense* quiddam Græciam. *Myrtoum*, Egæi pars, *Myrtoum pelagus* Ptolemæo circa Cariam, Asiæ Minoris regionem: Castaldo *Mar di Mandria*: Straboni vero Plin. & aliis inter Peloponnesum & Atticam. Nomen illi a Myrtilo Mercurii filio, quem in id deturbatum ab Oenomaio volunt Solinus & Isidorus; vel, ut verius sentit Plinius, ab exigua Insula, non procul a Carysto Eubæo Opido sita. *Icarium*, ab Icarî nota fabula plerisque: Andrææ Tenedio, ab una Cycladum, quæ & *Macris* & *Icarus*: Hodie *Mar di Nicaria*, Castaldo scribente: & alia. Montes etiam plurimi; *Beriscus*, *Athos*, *Olympus*, *Ossi*, *Pelson*, *Cuarius*, *Othrys*, *Oeta*, *Pindus*, *Acroceraunii*, *Strympe*, *Calidromus*, *Corax*, *Parnassus*, *Helicon*, *Cytheron*, *Hymettus*, *Strymphalus*, *Pholoe*, *Cronius*, *Zarex*, *Mimbe*, *Taygetus*, alii. In Græcia nempe Athenis Mercatus olim fuit, bonarum Artium & Disciplinarum celeberrimus. Quare a Diodoro Siculo Communis Schola generis humani dicitur. Cicero lib. 1 v epistolarum ad familiares, *Nobilissimum Orbis Terrarum Gymnasium* cognominat. Eo Romani aliæque nationes Philosophiæ Græcæque linguæ gratia se conferebant. Cicero Græcis passim attribuit, multarum artium disciplinam, sermonis leporem, ingeniorum acumen, ubertatē dicendi, a quibus Philosophiam, reliquas item artes & scientias Romani hauserunt. Et Flaccus canit: *Græcis ingenium, Græcis dedit ore rotundo Musa loqui*. Viri hic clari literis & doctrina fuerunt *Musæus* Poeta, *Solon*, *Socrates* Philosophorum omnium præceptor, *Xenophon*, *Plato*, *Isocrates*, *Demosthenes*, *Thucydides*, & innumerabiles alii. Quod ad veterum Græcorum religionem, regnavit apud eos Idololatria. Deorum Dearumque numerus fuit infinitus. Augustinus de Civitate Dei lib. 111, ex Varronis sententia affirmat, simul tam apud Romanos, quam Græcos extitisse 3000 Deorum, quorum ccc Ioves erant. Vnicuique suus Lar, suum Numen domesticum. Vnicuique affectui, commodo, incommodo, periculo, suus tutelaris Deus: unicusque Deo suæ Ceremoniæ, suæ preces, sui Sacerdotes, sua Sacrificia, & libationes. Vulgus Græcorum hodie antiquitatis nihil retinet. Nam promissam plerumque geltat comam, anterioremque capitis fronti imminentē partem tondere solet: duplicatoque & crasso pileo utitur. Omnes universim pauca supellestile, uti Turcæ contenti sunt: nec plumeis lectis incumbunt sed culcitrâs sive centones lana, aut tomento suffultos substernere solent. Odiosum omnes cecent Vinum aqua diluere, & etiam nunc poculis se invitant: sed mulieres eorum Symposiis non interfunt, neque accumbunt in accubationibus epularibus. Vetus etiam Mort nos deplorandi consuetudo apud Ethnicos perdurat in

rat in Grecia. Religione Græci Christiani a Romanis disident, gaudentque titulo Ecclesiarum Orientalium. Patriarchæ ipsis quatuor, *Constantinopolitanus, Alexandrinus, Hierosolymitanus & Antiochenus*. Hi a Metropolitanis creantur, ut a Cardinalibus Papæ: sed ii perpetua Sanctimonia vitæ celeberrimi. Modestia in illis mirifica. Annuus singulorum redditus cccc aureorum ab Ecclesiis quibus præsentunt emendicatus, nihil Ecclesiasticis hereditarium. Vxorem, sed unam tantum ducunt, Sacramenta duo duntaxat agnoscunt Baptisum & Sacramentum Cænam. Sub utraque specie communicant, Pane & Vino. Purgatorium ignem execrantur: Sculptilia detestantur: Rasuram verticis non admittunt. Ceterum Græci qui opulentiores sunt, & qui auctoritatis titulo delectantur, vestibus utuntur consuetudini ipsius Principis convenientibus. Qui Venetis subsunt, Venetorum vestiantur more: qui sub Turca sunt, Turcicis similes vestes gestant. Rector Græciæ vocatur *Uromeli Beglerbey* id est Rex. Principum Rex, præest enim omnibus regionibus, quas in Europa habet Turca, quæ novæ Romæ Constantinopoli subiectæ fuerunt. Hic sub se habet xl *Sanguier* sive *Sanguacos*, qui sunt Capitanei Copiarum Equestrium ex Spachoglanibus electi, & in principalibus Civitatibus provinciarum commorantur ad continendum eos in officio & pace, ipsisque cl *Sobasi Cimmeriote*, aut plures, qui sunt quasi Vicarii per minora Opida distributi. Sub his autem Sangiacis xxx m *Spachi* sunt, quorum quilibet tribus aut quatuor equis meret. Et sunt hi Spachi per Flamboler, hoc est, vexilla distributi, quæ cc, ccc, cccc, aut 10 equites continent. Inter Sangiacos potentiores sunt Rector *Adone*, qui præest toti Moreæ, qui ad mandatum Beglerbey mille equites adducit, quos suo stipendio sibi devinctos habet. Item Gubernator *Bosne* habens 10000 equites, & *Thessalonicæ* habens 10 equites, quorum centum perpetuo penes se servat, reliquos monitus Turcæ in subsidium mittit. Sunt præterea sub hoc Beglerbeyo Sangiacis subiecti xx m Equitum, qui *Tymariote* vocantur, quod ex *Tymar*, hoc est ætario Imperatoris stipendia habeant. Et item lx millia *Akengi* sive *Acconti*, id est fatales sive periclitatores, qui liberi & exempti a contributionibus absque ullo stipendio equites serviunt, victu præstantibus Civitatibus per quas transeunt. Sunt etiam multi feudatarii *Mosselm* dicti, qui aliquando ad lx millia Equitum & magnum Peditum numerum colliguntur. Longum foret omnia accurate referre: neque id nostri hoc tempore instituti est, quare ad specialiora Græciæ pergo.

B b b b iij

GRÆCIAM

Visitus.